

VISCHNAUNCA DA RUEUN

REGLAMENT DA CANALISAZIUN E SERENERA

I. DETERMINAZIUNS GENERALAS

Art. 1

La vischnaunca eregia e mantegn ils necessaris stabiliments per la canalisaziun e purificaziun d'auas ord baghetgs e schischoms publics e privats.

Canalisaziun publica

L'erecziun se basa sil project general da canalisaziun e sin las prescripziuns communalas e cantunalas davart il proteger las auas.

La reit da canalisaziun vegn engrondida mintgamai tenor conclus dalla radunonza communalala secund la necessitad ed interess general.

Art. 2

Ils stabiliments publics da canalisaziun vegnan per ordinari tschentai en la fatscha dalla vias u enteifer las lingias approbadas da baghegiar.

Plazzament dils stabiliments

Sto la canalisaziun traversar terren privat, ein ils proprietaris obligai da vertir la traversada encunter in'indemisaziun commensurada.

Dretg da traversar

Ei en tals cass ina cunvegnientscha cun il proprietari buca pusseviva, anfla il dretg cantunal d'expropriaziun applicaziun.

Duessan ils basegns dil sulom, suttamess a grevezias, semidar pli tard, sto il conduct da canalisaziun vegnir spustaus sin donn e cuost dalla vischnaunca.

Las grevezias da traversada tenor il dretg public vegnan nudadas el Cudisch funsil sin cuost dalla vischnaunca.

Art. 3

Ils proprietaris da suloms procuran sezs per ils conducts da colligiaziun alla canalisaziun publica.

Canalisaziuns privatas

Las spesas per ereger, mantener e schubergiar conducts da colligiaziun van a cuost dils proprietaris da suloms.

Art. 4

Colligaziuns privatas ston esser exequidas tenor las prescripziuns da vischnaunca, la quala controllescha la construcziun, il menaschi ed il manteniment dallas installaziuns.

**Obligaziuns
dils proprietaris
privats**

Novas colligaziuns cun la canalisaziun, sco era midadas vid conducts existents, pretendan ina lubientscha communal da construcziun.

Ils proprietaris da colligaziuns privatas ston schar duvrar era auters proprietaris da suloms lur conduct encunter in'indemnisaziun adequata.

Vegn in conduct public baghegius ella vischinonza d'ina colligaziun, sa il proprietari privat vegnir sfurzaus da secolligiar.

Il dretg da traversar cun conducts privats sedrezza tenor art. 691 dil Cudisch civil Svizzer (CCS).

Art. 5

La vischnaunca surpren negina responsabladad cun relaschar las lubientschas da construcziun e controllar las installaziuns entras ses organs.

**Responsa-
bladad**

II. COLLIGIAZIUN DA BAGHETGS E SULOMS

Art. 6

Per tuts baghetgs, exceptiu baghetgs d'agricultura, che sesanflan egl areal da baghegiar ei la colligaziun alla canalisaziun publica entras conducts sutterans obligatoria. La suprazionza communal sa fixar in termin per la colligaziun privata.

**Obligaziun e
liberaziun da
colligaziun**

Ina liberaziun provisorica alla colligaziun ei pusseivla sin fundament d'ina lubientscha digl Uffeci cantunal per il schurmetg dallas auas.

III. NATIRA D'AUAS PIARSAS

Art. 7

Sco aua piarsa el senn da quest reglament vala tut l'aua tschuffa e schubra che croda giud terren ed ord baghetgs.

**Definiziun
auas piarsas**

Art. 8

Auas piarsas che vegnan menadas ella canalisaziun publica ston esser da natira che ellas donnegieschan buca ils stabiliments ni engrevieschan u pericliteschan il menaschi da canalisaziun e purificaziun. Igl ei scumandau da schar sbuccar direct ni indirect suandontas materias ella canalisaziun publica:

**Restricziun
dil diever**

- gas e vapurs
- materias tusegadas, infectusas, explosivas u radioactivas
- matrial da tuffien mulestus
- puschina da closets senza cundrez da derschentar cun aua, deflussiuns da nuegls, lidimers e cumposteras sco era da silos da pavel etc.
- materia spessa e groppa che savess stuppar il conduct sco per ex. rumien, sablun, lumpas, curdemas da cuschina e mazleria, bitums, catram etc.
- liquids d'acid ed alcali en concentraziun nuscheivla
- tuttas sorts d'ieli e grass.

En cass da dubi davart la nuscheivladad decida la suprastonuzza communal sin fundament d'expertisas. Ils cuosts d'expertisa crodan al privat.

Expertisas

Art. 9

Secund la natira dallas auas piarsas sa la suprastonza communal pretendere che talas vegnien purificadas tenor las directivas vertentas concernent la qualitat d'auas da rufid.

Pretensiuns da purificaziun

La pruificaziun sto daventar avon la sbuccada ella canalisaziun publica e sin cuost dil privat.

Art. 10

Auas piarsas schubras ston vegnir allontanadas sche pusseivel senza menar ellas en la canalisaziun publica.

Aua schubra

IV. PRESCRIPZIUNS D'ERECZIUN E MENASCHI

Art. 11

L'aua piarsa vegn menada en la canalisaziun publica en conducts sutterans pustai en lingia grada.

Colligiazions

La dimensiun dils bishels duei s'adattar al quantum d'aua ed alla pendenza dil conduct.

Art. 12

Scadin conduct da canalisaziun sto esser accessibels da tut temps per saver schubergiar e lavar el. Igl ei buca lubiu da cuvierer u satrar ils uviarchels dallas tureras. Uviarchels che vegnan excepziunalmein tuttina curclai, ston vegnir marcai cun ina tabla.

Access

Art. 13

Per evitar il far glatsch ston ils conducts da colligiazion vegnir tschentai sut il cunfin da scheltira. Bishels che traversan mirs da baghetgs ston vegnir isolai sufficientamein.

Isolaziun

Art. 14

Auas piarsas da locals, nua ch'ei vegn luvrau cun ielis e grass minerals sco era cun materias inflammablas ed explosivas astgan vegnir sbuccadas en la canalisaziun publica mo sch'ellas cuoran atras zavraders d'ieli mineral conform allas directivas ventas.

Zavraders

Art. 15

Conducts privats d'aua piarsa ston haver ina pendenza regulara dall'entschatta tochen alla colligiaziun cun la canalisaziun publica. Per las canalisaziuns d'aua piarsa munta la pendenza minimala a 3%, per quellas d'aua schubra ad 1,5%.

Dimensiun e pendenza

Suandontas mesiras dils bishchels valan per dimensiun minimala da caviertg:

- per conducts d'aua schubra 10 cm
- per casas d'ina famiglia 12 cm
- per casas da pliras familias 15 cm

Art. 16

Tier l'erecziun da lingias privatas che surveschan ad in pli grond circuit da surbaghegiada sa la vischnaunca ordinar dimensiuns pli grondas da bishchels che quei ch'igl actual basegn pretendia, sche quei schai en avantatg d'in futur interess public. En tals cass surpren la vischnaunca ils cuosts dalla surdimensiun dils bishchels cun la resalva da saver adossar pli tard tals cuosts commensuradamein al privat che ha il regress.

Ordinaziun da dimensiun

Art. 17

La construcziun dils implonts d'aua piarsa sto correspunder allas normas valeivlas dil rom. Lubius ei mo material che correspunda allas pretensiuns en tuts risguards. Tuts cundrezs ston satisfar allas exigenzas.

Normas e material

Art. 18

Il proprietaris da colligiaziuns privatas ein responsabels visavi alla vischnaunca per tuts donns e discumets, caschunai entras ina construcziun munglusa ed in schliet manteniment dils agens implonts.

Responsabladad

V. PROCEDURA DA LUBIENTSCHA E CONTROLLA

Art. 19

Tuttas erecziuns ni modificaziuns da lingias da canalisaziun privatas basegnan ina lubientscha dalla suprastanza communal.

Lubientscha d'erecziun

Art. 20

Damondas ein d'inoltrar alla suprastonza communal en dubel cun aschuntar ils necessaris plans da situaziun, plans da canalisaziun cun indicaziun davart mesuras, dimensiuns e materia dils bishchels previ e dils cundrezs projectai.

Damonda e documentaziun

Art. 21

Ei astga buca vegnir entschiet cun las lavurs da construcziun avon ch'il project ei buca approbaus.

Entschatta

Art. 22

La fin dallas lavurs vid igl implont vegn annunziada alla suprastonza communal. Quella decida cura che las installaziuns vegnan messas en funcziun.

Collaudaziun

VI. UORDEN DA TAXAS

Art. 23

Ils cuosts d'erecziun, manteniment, e menaschi dils stabiliments da canalisaziun e purificaziun vegnan curclai entras:

Finanziaziun

- a) contribuziuns pauschalas e taxas dils proprietaris ed affitaders da baghetgs e schischoms
- b) contribuziuns dalla vischnaunca
- c) subsidis da cantun e confederaziun.

Art. 24.

Il recav ord contribuziuns e taxas ei da cudischar sil conto dalla canalisaziun e d'applicar per amortisaziuns dils cuosts da canalisaziun e serenera, tscheins e manteniment.

Applicaziun dallas intradas

Eventuals avanzaments vegnan sbursai en in conto d'ulivaziun.

Art. 25

Las contribuziuns pauschalas da colligiazion vegnan applicadas per cuvierer ils cuosts d'erecziun da conducts ed indrezs.

Contribuziuns e taxas

Las taxas annualas cuvieran ils cuosts d'amortisaziuns sco era da menaschi e manteniment dils stabiliments.

Art. 26

La contribuziun pauschala ei da prestar per tuttas colligiazions directas ni indirectas cun la reit publica. Constrenschius tier la contribuziun ei, arisguard ils baghetgs existents il proprietari dil baghetg, tier baghetgs novs il petent che survegn la lubientscha da baghegiar.

Principi da contribuziun

Art. 27

La contribuziun pauschala da colligiaziun vegn fixada sebasond sin la summa da schazetg dalla valeta actuala da baghegiar (Zeitbauwert) dall'assicuranza cantunala da fiug ed importa:

Altezia dalla contribuziun

- per tut ils baghetgs enteifer la zona da baghegiar 2%

La taxa minimala per mintga casa ni cunproprietad munta a frs. 1'000.--.

Dalla taxa da colligiaziun, fixada dalla suprastonza communal approximativa-mein, vegnan 90% tschentai a quen al colligiader cun la lubientscha da baghegiar, pagabel enteifer 60 dis netto dapi la communicaziun. La taxa definitiva da colligiaziun vegn fixada e tschentada a quen al colligiader, schispert ch'il schazetg ufficial dalla segirada da baghetgs ei avon maun, pagabel enteifer 30 dis netto.

Termin da pagament

Art. 28

La taxa annuala d'utilisaziun dalla canalisaziun e serenera vegn medemamein calculada tenor la summa da schazetg dalla valeta actuala da baghegiar dall'assicuranza cantunala da baghetgs ed importa 1,5‰ (1,5 promille) dil schazetg.

Taxa d'utilisaziun

La taxa minimala annuala munta a frs. 150.--.

Art. 29

Vegn in baghetg existent ch'ei colligias cun la canalisaziun e serenera engrondius, renovaus u remplazaus entras in baghetg niev, ei il surpli dalla contribuziun che sedat ord la differenza denter la schazegiada nova e la schazegiada veglia da pagar e croda el mument ch'ei vegn fatg diever dalla lubientscha da baghegiar.

Midadas dil schazetg

Art. 30

La vischnaunca ha il dretg legal da pègn el senn digl artechel 162 dalla lescha d'introducziun al CCS per contribuziuns e taxas.

Dretg da pègn

VII. DISPOSIZIUNS PENALAS E FINALAS

Art. 31

La suprastonza communal sa lubir excepziuns concernent il present reglament en cass specials. Las respectivas disposiziuns cantunalas e federalas davart la protecziun dallas auas ein resalvadas.

Excepziuns

Art. 32

Recuors encunter decisiuns dalla suprastonza communal ein d'inoltrar enteifer 20 dis suenter la communicaziun en scret alla dertgira administrativa dil cantun Grischun.

Recuors

Art. 33

Cuntravenziuns enviers prescripziuns da quest reglament e singulas disposiziuns dalla suprazonza communal che sebasan sin quel, vegnan punidas cun castitgs da frs. 50.-- entochen frs. 5'000.--.

Cuntravenziuns

Art. 34.

El circuit dil project general da canalisaziun ein il indrezs da deflussiun per baghetgs novs d'ereger conform allas prescripziuns da quest reglament e quei era, sch'ina col-ligiazion alla canalisaziun sa aunc buca daventar.

Adattaziun
allas prescrip-
ziuns

Art. 35

Present reglament passa en vigur sin igl 1.1.1992 cun l'approbaziun entras la ra-dunonza communal dils ...13. Dez...1991.

Entrada en
vigur

Il reglament suspenda tut las disposiziuns ed ils conclus precedents concernent da-mondas da canalisaziun e serenera.

7156 Rueun, ils 16-12-1991

Per la vischnaunca da Rueun:

Il president:



Igl actuar:

